

II

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-9452-17/18  
28. februara 2018. godine  
Sarajevo

Premijer  
**Elmedin Konaković, s. r.**

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 67. Zakona o turizmu ("Službene novine Kantona Sarajevo", br. 19/16, 31/17 i 34/17 - Ispravka) i člana 9. Odluke o osnivanju Turističke zajednice Kantona Sarajevo ("Službene novine Kantona Sarajevo", broj 38/16), Vlada Kantona Sarajevo je, na 113. sjednici održanoj 08.02.2018. godine, donijela

**ODLUKU**

**O KRITERIJIMA ZA IMENOVANJE NA POZICIJE  
ČLANOVA SKUPŠTINE TURISTIČKE ZAJEDNICE  
KANTONA SARAJEVO**

Član 1.  
(Predmet odluke)

Ovom odlukom Vlada Kantona Sarajevo (u daljnjem tekstu: Vlada) utvrđuje kriterije za imenovanje na pozicije članova skupštine Turističke zajednice Kantona Sarajevo (u daljnjem tekstu: skupština Turističke zajednice).

Član 2.

(Uslovi za imenovanje članova skupštine Turističke zajednice)

- (1) Za člana skupštine Turističke zajednice može biti imenovan kandidat koji ispunjava sljedeće opće uslove:
  - a) da je državljanin Bosne i Hercegovine,
  - b) da je stariji od 18 godina,
  - c) da nije osuđivan za krivično djelo,
  - d) da nije osuđivan za privredni prijestup nespojiv sa obavljanjem dužnosti člana skupštine Turističke zajednice,
  - e) da se protiv njega ne vodi krivični postupak,
  - f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
  - g) da se na tog kandidata ne odnosi član IX. 1. Ustava Bosne i Hercegovine,
  - h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
  - i) da nije stariji od 65 godina na dan imenovanja.
- (2) Pored općih uslova iz stava (1) ovog člana, kandidat koji se imenuje za člana skupštine Turističke zajednice mora ispunjavati i sljedeće posebne uslove:
  - a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja,
  - b) da ima najmanje pet godina radnog staža u struci,
  - c) da posjeduje znanja i sposobnosti razumijevanja poslovnih izvještaja i da poznaje propise iz oblasti turizma,
  - d) da posjeduje sposobnost za savjesno, odlučno i odgovorno obavljanje povjerene funkcije,
  - e) da posjeduje sposobnost nepristrasnog donošenja odluka,
  - f) da je naklonjen timskom radu,
  - g) da ima pozitivne rezultate rada ostvarene tokom karijere,

- h) da nema privatni finansijski interes u Turističkoj zajednici Kantona Sarajevo,
- i) da nije predsjednik Turističke zajednice Kantona Sarajevo, direktor turističkog ureda, direktor ureda za podršku turizmu, predsjednik ili član nadzornog odbora i predsjednik ili član turističkog vijeća u Turističkoj zajednici Kantona Sarajevo.

- (3) Prilikom predlaganja kandidata vodit će se računa o spolnoj i nacionalnoj zastupljenosti kandidata.

Član 3.

(Sastav skupštine Turističke zajednice)

Skupština Turističke zajednice se sastoji od pet članova, od čega su tri člana predstavnici osnivača, a dva člana su predstavnici privatnog i javnog sektora turizma iz općina koje predlaže Privredna komora Kantona Sarajevo, iz reda prijavljenih kandidata.

Član 4.

(Oglašavanje)

- (1) Na osnovu općih uslova utvrđenih u članu 7. stav 1. Zakona o ministarskim, vladinim i drugim imenovanjima Federacije Bosne i Hercegovine i kriterija iz ove odluke ministar Ministarstva privrede Kantona Sarajevo (u daljnjem tekstu: ministar) će raspisati javni oglas za upražnjene pozicije iz člana 1. ove odluke i objaviti ga u "Službenim novinama Federacije BiH" i u jednom dnevnom listu velikog tiraža.
- (2) Vlada će, na prijedlog ministra, rješenjem imenovati komisiju za provođenje javnog oglasa iz stava (1) ovog člana.

Član 5.

(Čuvanje kriterija)

Kriteriji za imenovanje čuvaju se u evidenciji Vlade.

Član 6.

(Stupanje na snagu odluke)

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-2820-3/18  
08. februara 2018. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - ispravka) i člana 10. Odluke o preuzimanju prava osnivača Javne ustanove "Muzej Sarajeva" ("Službene novine Kantona Sarajevo", broj 3/99 - Prečišćeni tekst, 33/07 i 1/13), Vlada Kantona Sarajevo je, na 116. sjednici održanoj 28.02.2018. godine, donijela

**ODLUKU**

**O DAVANJU SAGLASNOSTI NA PRAVILA JAVNE  
USTANOVE "MUZEJ SARAJEVA"**

I

Daje se saglasnost na Pravila Javne ustanove "Muzej Sarajeva, broj 035.4/2017 od 30.03.2017. godine.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-11622-8/18  
28. februara 2018. godine  
Sarajevo

Premijer  
**Elmedin Konaković, s. r.**

Na osnovu čl. 26. i 28. stav (3) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 29. Pravila Kantonalne javne ustanove "Gerontološki centar", broj 07-1070/13 od 26.11.2013. godine, Vlada Kantona Sarajevo je, na 115. sjednici održanoj 28.02.2018. godine, donijela